

SYNG UT 

Nr. 5

Mandag 30. oktober 1978

1. årg.



## DET MONNAR!

Med dette nummeret av SYNG UT kjem det vonaleg gong i diskusjonen. Alkoholdebatten er starta, og den kjem til å halde fram. For neste gong kjem det eit innlegg for alkohol (eller i alle høve mot totalavhald). No er det på tide at du les igjennom dei 5 nummera som er komne av bladet vårt, og ser om ikkje det er eitt eller anna du er usamd i av dei mange innlegga vi har bragt.

Styret vil på sitt neste styremøte gå igjennom nummera for å sjå om vi er svar skuldige på eitt av dei områda folk har skrive om.

IG

Festen til spedisjonsgruppa blir den 24.11. Generalforsamlinga i DNS er 25.11 - så det skulle klaffe, meldes det fra en innsender. Nærmere om arrangement og fester følger i neste nummer.



## BLI MAI-KOMMISJONÆR I KORET !

Er det noen som kunne tenke seg å selge Mai-plater på korøvelsene? Gå fram slik:

- 1) Si fra til styret
- 2) Dra på kontoret til Mai i Stockholmsgate 6 for å hente plater + avtale betalingsmåte osv.
- 3) Selge i koret.

Noe for deg ?

## GJE FAST STØTTE TIL POL-STREIKEN!

## Forslag til øveplan fram til jul:

- 30.10 : Krisestev + Pål sine hønur + repeterere gatesanger (Vi tar en eller to hver plenumsøving framover).
- 6.11 : En sørgelig vise (I sekretariatet) - aktuell gatesang.
- 13.11 : Fattigfolk sine lærdommer
- 20.11 : Brødre til sol (fellesnummer med korpset på vår felles fest første halvdel av desember) + finpusse det vi skal synge på festen i spedisjonsgruppa 24.
- 27.11 : Fattigfolk sine lærdommer
- 4.12 : Halvårsmøte
- 11.12/18.12: Noe nytt ? + gjøre ferdi fattigfolk sine lærdommer. Øve inn Fram! Fram! (?)


Vigdis

# KAMP MOT RUSGIFT!

§9 i dei nye vedtektene for "Landsforbundet av raude kor og korps" seier: "All bruk av rusgift er forbode i samband med ordinær verksemd i Forbundet." Kvifor har vi me d ein slik paragraf? Avdi vi meiner at rusgift - alt frå narkotiske stoff som heroin og morfin til sprit og öl - er ein dårleg ting, noko som slövar og passiviserer, og hindrar kampen mot undertrykking og utbytting.

Opp gjennom historia har rusgift verta nytta av inntreggjarar og undertrykkarar for å sikre kontroll, for å passivisere og leggja ned all motstand. Nokre eksempel:

På midten av 1600-talet førte hollendarane inn bruken av opium i Kina. Kolonisorane såg på opium som ein utveg til å halde "dei innfödde" rolege, og det er ikkje tvil om at dette letta koloniseringa. På starten av 1800-talet var bruken



av opium så stor at styresmaktene i Kina måtte gjera noko. Dei laga strenge lovar, men det hjelpte ingenting. Handelen med opium var for lönsam - på fleire vis - til at nokre lovar kunne stogge han. I 1839 starta den fyrste opiumskrigen då det vart satt fyr på 20.000 kister opium på eit skip som lå ved kai i Kanton. Dette vart mött med kuler og bajonettar, og oppreisten vart slegen ned. Finanskapitalen som sto bak starta ein svar propagandakampanje i USA og Europa, som sa at dei kjempa ei rettvis sak, og at opium ikkje var skadeleg om han vart nytta på rett vis! (Jamför argument idag!) Etter dette var det fleire opprör og kampar mot spreininga av opium. I 1906 var det ei undersöking som viste at det var meir enn 13 mill. opiummisbrukarar i Kina. Sigeren over opiumen vart ikkje vunnen för etter sigeren i frigjeringskrigen i

STOPP RUSGIFTPROFITØRENE  
NEDRUSING AV FOLKET!

1949, og enno tok det fleire år før all bruk av opium var kjempa ned.

Ved koloniseringa av Nord-Amerika var eit av dei beste våpna mot indianarane "eldvatnet". Det synte seg fleire gonger at det var vel så effektivt å drukna indianarane sin motstand mot dei europeiske inntrengarane i sprit, som å drukna han i blod. "Eldvatnet" vart ei forbanning, og var ei kraftig svekking av indianarane sin rettvise strid.


Vi treng ikkje dra over havet for å finne eksempel på at urbefolkninga vart "kjøpt opp" med brennevin som ein lekk i undertrykking og kolonialisering. Samane på Norkalotten vart "overtalte" til å gje frå seg det dei hadde hevd på ved hjelp av sprit. Ein viktig grunn til Kautokeinoopprøret i 1852 var det valdsame hatet til brennevinhandlar Ruth, ein person dei såg på som representant for den norske undertrykkinga. Det var og Ruth og lensmannen som var dei første som vart drepne i det rettvise opprøret i februar 1852. Idag er det knapt nokon del av befolkninga i Noreg som er så undertrykte av alkoholen som nett samane.

Då arbeidarklassen vaks fram i Noreg, såg den snøgt at ein av dei værste fiendane var alkoholen.

EN LETT OMSKRIVING AV TUBORGREKLAMEN:

Kampen mot alkoholmisbruk og spreiking av alkohol var viktig. Og borgarskapet skjöna sjölvsgt og at alkoholen var ein hjelp til å halde arbeidarklassen nede. På eit bilde frå ein 1.mai i byrjinga av dette hundreåret kan vi lese parolen: Ned med rusdrikken - og med 8-timers dag! Arbeidarane i Sör-Varanger hadde peika ut motstandarane: staten sitt voldsapparat, presteskapet og alkoholen. 1.mai 1914 demonstrerte dei under parola: Bort med bibel, brennevin og bajonett. Og les i boka til Elden (s89-100) om korleis "Coaler" får stansa ein streik ved hjelp av brennevinet.

Den raude kor- og korpsrørsla vil ta opp tradisjonane med å kjempa mot spreiking og bruk av rusgifter - ikkje



ut frå eit moralsk syn, men ut frå vissa om at rusgift er eit middel for å slöva og passivisere arbeidarklassen og det arbeidande folket.

I Oslokoret har vi i lang tid hatt trong til ein diskusjon om bruk av alkohol. Diskusjonen har førebels ikkje kome lenger enn til ein formaldiskusjon - dvs. kva som er "koret si verksemd". Det vert sagt at når vi går ut etter ei öving er vi ikkje lenger kor, og kan godt ta ein öl (eller fleire). Korfestar er heller ikkje "ordinær verksemd" - då er vi på privat fest. Det er ingen som ser oss, og då kan vi gjerne drikke. Eg meiner dette berre/er uttrykk for ei line som seier at "eg er for at vi ikkje skal opptre drita fulle på scenen, men vi kan bruke alkohol så ofte vi vil elles." Dette er etter mi meining ei line for passivisering av arbeidarklassen og det arbeidande folket, ei line for fortsatt undertrykking og utbytting.

Dette er meint som eit diskusjonsinnlegg på eit emne vi har ønska å ta opp i lang tid. Eg meiner det er naudsynt å ta opp til diskusjon spørsmålet om bruk av alkohol (og andre rusgifter) i det heile - og ikkje la det bli ein diskusjon om kva tid vi opptrer i "ordinær verksemd" eller ikkje. La oss få innlegg for og imot bruk av alkohol!

NEI TIL  
SLÖVING OG  
PASSIVI-  
SERING!

KAMP MOT  
ALL  
RUSGIFT!

-aslak-

